

JOANNIS RHODII
MANTISSA
ANATOMICA

ad

Thomam Bartholinum.



H A F N I Æ,

Typis HENRICI GÖDIANI,

clb lbc LXI.

Impensis PETRI HAUBOLDI.

Clarissimo Excellentissimoq̃

Viro

**THOMÆ BAR-
THOLINO**

**Regio Academiæ Haf-
nienſis Profefſori
Medico**

Joannes Rhodius

εὐπεράτειν.

Q*Uæ neceſſitudinis jure pe-
tiſti aliquot luſtris à me
ſummorum virorum ductu inter
humani corporis diſſectiones
ἀξιολυημόνευτα oculis obſervata fi-
delibus lubens mitto. Pauca
quidem iſthæc, ſed rariora, ſine
verborum tumore, ſine fūco.*

Non

Non portenta, anguesq; volucres ac
pinnatos scribimus.

Homini amico ac familiari non est
mentiri meum.

*Eane cum vulgo eruditorum
putanda naturæ ludibria, quæ sa-
pientissimi verius conditori, mi-
randa opificia prudentiores co-
gitent. Quicquid mereantur, de
iis constitues pro tua voluntate.
Cui velleo parendum censui, quod
nullum æque animum tuum,
quam de humano genere bene
merendi, studium occupet. Præ-
claris conatibus longa vitæ spa-
tia summus arbiter indulgeat
precor.*

Patavij Calend. Januariis Anni
cdo lcc LVII.

JOANNIS RHODII MANTISSA ANA- TOMICA.

OBSERVATIO

I.

*Sutura Sagittalis in viro ad nasi radice-
m protensa: etiam media: quan-
doque nulla.*



Exus varia usus aperuit discrimina in corporis humani structura, maximeque ossium compage. Inter quæ Anatomici tradunt Suturam Cranii sagittalem in feminis media tantum fronte ad nasi radicem extendi. Verum Franciscus Plazzonus Anatomes & Chirurgiæ primus Adriano Spiegelio collega datus, ipso ætatis flore plurimorum expectationi ereptus,

sculum superius labrum elevantem ostendit geminum. Annon primum & secundum par: quorum illud Spiegelio attollens, hoc abducens?

III.

Idem Triplex.

Anno 1650. 8. Febr. Antonio Molinetto primam anatomen sollerter exhibente, in cadavere feminæ labii superioris musculi suspensorii tres apparuere parte dextra, origine distincti: qui communiter bini.

IV.

Venæ in prima spinæ vertebra.

Venam primæ in dorso vertebræ ad os Sacrum extensam in Tetano & Epilepsia tundere præcipit Guilielmus Rondeletius Methodi Curat. cap. XXXVII. cui subscribit Mercatus Prax. Lib. I. cap. XV. Hanc paucis notam quum anquirerem, A-

A 4 dria-

drianus Spigelius Vir fanè diligentissimus Anno 1623. 10. Februar. privatim ostendit in juvene ob furtum strangulato bina primæ vertebræ foraminula, per quæ ejusmodi venæ in musculos dispergebantur.

V.

Novus Musculi Cucullaris insitus.

Anno 1651. 21. Januar. in viro à sexta cervicis vertebra musculi cucullaris appendix in supercilium scapulæ desinens comparuit.

VI.

Peculiaris Musculus Thoracis.

Anno 1628. 25. Jan. Mantuæ in cadavere juvenis robusti Fabricius Bartoletus novum reperit musculum seu processum carnosum inter musculum obliquè adscendentem & transversum, qui ab aliis distinctus utrumque connectebat.

VII. Mu-

VII.

Musculus Pectorali adnatus.

Anno 1626. 8. Febr. Hieronymus Sabionus mihi privatim ostendit exilem musculum digiti mediilastitudine sternum versus pectorali adhærentem, & omninò separatum: ad roboris forsan incrementum.

VIII.

Thoracis cartilagines fermè osseæ.

Anno 1627 April. 19. Reverendo admodum Paulo Sansono Mediolanensi in cœnobio D. Antonii Quæsitore fidei anno ætatis octogesimo hydrope extincto cartilagines thoracis propemodum osseæ fuerunt. Cujus memini Centur. II. Obs. XLV. & Cent. III. Obs. IV.

IX.

Pleura adiposa.

Anno 1638. Januar. 21. Sectionem
A 5 nem

nem instituyente Joanne Veslingio, in corpore puellæ membrana, quæ costis incumbibat, pinguedinis quasi striis quibusdam interstinguebatur.

X.

Pulmones Costis affixi.

Anno 1625. 5. Januar. in cœnobio Capucinorum ab Hieronymo Sabiono ac Joanne Sculteto Ulmensi Adriani Spigeli alumno Chirurgo pridem in Germania clari nominis, religiosi cujusdam anasarca defuncti cadavere aperto, pulmones utrinque costis arctè adhærebant; cetera omnis vitii expertia.

XI.

Pulmonis lobi diversi.

Anni 1656. Febr. 2. in bajulo ve-
grandi apoplexia defuncto Antoni-
us Molinettus pecudum in modum
pulmonem in quatuor fibras divi-
sum

sum offendit. Autor libelli de Anatomie apud Coum quinq; tradit. Quod majoris tutelæ causa naturam fecisse putat Joannes Veslingius Syntagm. Anat. cap. X. Nec siluit laudatæ memoriæ Gaspar Bartholinus Instit. Anat. Lib. II. cap. IX.

XII.

Cor geminum.

Franciscus Plazzonus cordis appendicem invenit alterius veluti rudimentum: cujus ectypon in theatro publico Anno 1622, & 1624. ostendit.

XIII.

Vena sine pari supplens rami intercostalis defectum.

An. 1628. Februarii 7. Mantuæ in publico theatro ingenioso pariter ac diserto Viro Fabricio Bartoletto humani corporis dissectionem peragente

agente vidi venam sine pari ad spatia inter costas ramos octo spargentem intercostalis rami loco, qui huic cadaveri deerat, e dextro venæ cavæ latere ortam.

XIV.

Vena sine pari procedens è cava.

Hoc ipso die venam sine pari è dextro venæ cavæ latere ortamprehendimus, sine valvula, quam istius venæ principio appositam tradidit Amatus Lusitanus Centur. I. Cur. 52.

XV.

Vena sine pari nulla.

An. 1640. 26 Januarij Patavij in Publico theatro vena sine pari nulla exstabat in corpore virili: Sed utrinque à principio venæ subjugalis prodibat vena, cujus rami utrinq; in pleuram pertingebant.

XVI. Omen.

XVI.

Omentum valde promissum.

Fabricius Bartoletus in histrione Bononiæ omentum ad os pubis protensum observavit. Cujusmodi à me mulieris Anno 1647. 11. Januar. in theatro Patavij conspectum.

XVII.

Omentum exile.

An. 1645. 20. Januar. In publica dissectione omentum rustico perexiguum, adipe destitutum.

XVIII.

Ventriculus ingens.

Adrianus Spigelius An. 1623. postremo Decembris in theatro Anatomico adfirmavit se ventriculum vidisse humanum tredecim librarum capacem.

XIX. In-

XIX.

Intestinum dorso alligatum.

An. 1627. 24. Januar. Hieronymo Sabiono secante corpus virile, sub Ilei finem in conspectum venit apophysis ligamento quodam præter consuetum naturæ modum dorso conjuncta.

XX.

Jecinoris Ligamentum peculiare.

An. 1627. 26. Jan. Pompejo Cai-
mo Theoreticæ Medicinæ Professore
primario in theatro Patavino post
Adriani Spigelij & Plazzoni obitum
consuetudine dudum antiquata cor-
poris humani artificium exponente,
dissectore Hieronymo Sabiono A-
natomes & Chirurgiæ Professore Pa-
tavino, jecur parte sinistra peculiari
vinculo præter naturæ rationem se-
pto transverso conjunctum erat.

Vidit etiam Adrianus Spigelius
por-

porrectum jecoris lobum hypochondrio sinistro peculiari ligamento annexum.

An. 1652. Januar. 31. in cadavere servi destinato ufui publico jecur infidens lieni singulari ligamento adhærebat septo transverso.

XXI.

Venæ Cavæ descendētis conglutinatio.

An. 1625. Januar. 18. In cadavere mulieris hydropicæ principium venæ cavæ descendētis arctissimè cōluerat, ut ne specillum quidem admitteret; haud dubie ab exulceratione à vermibus in ramo Iliaco reperi-
tis excitata.

XXII.

*Jecur Lampetræ rubrum, itemq;
Viride.*

Quum Johannes Hieronymus Bronzerius Medicus & Mathematicus insignis plurima ex Galeni mente

te adversus Aristotelem de jecoris officio in theatro Anatomico disputasset, ad uberiores veritatis investigationem An. 1624. 22. Maij domi suæ Lampetram exenteravit Adrian⁹ Spigelius, in qua jecur præter Conradi Gesneri sententiam erat rubrum: cujusmodi ter antea ab ipso visum. Tubulis respirationi dicatis respondebant pulmonum veluti lobi admodum fibrosi, & sanguine referti. Pericardium erat cartilagineum. Cetera ad Gesneri descriptionem.

In alia tamen minore Anno 1637. 3. Junij apud V. C. Joannem Dominicum Salam Medicinæ Professore Joanne Vesslingio præsentem jecur omnino viride conspeximus. Pupillæ nigricantes fatis magnæ latebant. Cor diu movebatur. Nihil in ceteris dissimile.

Diversi coloris causam expendit Bronzerius peculiari Disquisitione de

de Principatu Jecoris & anatome Lampetræ, quam prope Pyrrhoni-
am equiti amplissimo Pompejo Cai-
mo dicavit.

XXIII.

*Ductus felleus in duodenum im-
mersus.*

An. 1634. 31. Jan. Joanne Vef-
lingio præeunte in juvene valido
notare licuit porum biliarium Ana-
tomicis non jejuno sed duodeno in-
testino infixum.

An. 1625. Januar. 18. statæ ætatis
feminæ hydrope in valetudinario
sublatæ ductus vesiculæ felleus in
duodenum ferebatur: Ipsa vero
muco repleta quatuor condebat la-
pillos angulares virides & nigri-
cantes.

XXIV.

Vesica fellea sine bile.

Anno 1652. 5. Martij Petro de
Marchettis Equite Anatomes &
B Chi-

Chirurgiæ Professore sectionem celebrante in cadavere agrestis vesica fellea sine bile visa jecinore maximo.

XXV.

Vesicæ felleæ pinguedo.

An. 1637. 24. Jan. in theatro sub Joanne Veslingio vesica fellea mulieris penitus adipata erat.

XXVI.

Lien rubicundus.

An. 1624. 5. Febr. in theatro Juvenculæ duodecim annorum lien fuit maximus, non minus rubens quam Iecur. Ex quo perspectum est, viscus hoc non semper sanguine melancholico turgere.

XXVII.

Lien rotundus.

An. 1651. 28. Jan. in cadavere viri lien planè rotundus erat.

XXIV. Ra-

XXVIII.

Rami splenici in Emulgentem progressus.

Anno 1627. Fabricius Bartoletus Mantuæ ramum splenicum, priusquam in lienem infereretur, ramulum in emulgentem sinistram transmississe observavit. Cujus beneficio Melancholici quandoq; per urinas purgantur.

XXIX.

Vas breve unicum.

Mantuæ in hoc ipso corpore vas breve valdè amplum conspiciebatur: idq; unicum ex vena & arteria; quod plerunq; ex pluribus constructum venæ gastroëpiploicæ nonnunquam incumbit.

XXX.

Ductus Pancreatis geminus.

An. 1646. 15. Januar. in cadavere mulieris è valetudinario Patavino ductus Pancreatis manifestè gemi-

B 2

nus

nus in duodenum Intestinum migrabat. Anni sequentis Januario 24. in virili cadavere idem obvenit.

XXXI.

Vene lacteae evidentes.

Primi nominis Medicis Gaspari Afellij de his placita Joanni Veslingio in dubium vocantibus An. 1634. 24. Jan. vena lactea canis aperta chylum fundebat albicantem lacte spissiore. Anno 1649. 23. Jan. in foetu è ventriculo in pancreas plures poros lacteos tendere vidimus cum Veslingio. Ejusdem anni Januar. 18. qua parte pancreas albæ lienis lineæ in hæret, multa lacteorum ductuum vestigia comparuere; etiam qua parte ventriculus lieni incumbit plures meatus lacteorum ramulorum. 3. Martij in satellite interfecto minoris digiti amplitudine elegans lacteorum meatuum plexus supra jecoris lobum ad septum transversum reperire videbatur. Hæc quoq; venas
Anto-

Antonius Molinettus offendit in muliere nuper extincta, cui foetum exsecuit.

XXXII.

Ren Unus.

An. 1623. 6. Mart. in cadavere muliebri Franciscus Plazzonus unum duntaxat renem invenit in medio ventre situm, tantæ molis ut initio feminam prægnantem putaret. Idem præfente Viro maximo Benedicto Siluatico in Capucino urinæ suppressione extincto unum vidit renem sinistrum dextram versus, cujus Ureter calculo nucis avellanæ sive ovi columbini magnitudine obstruebatur. De quo is Cent. 3. Consil. 45.

An. 1625. 25. Augusti Adrianus Spigelius in Gallo febre maligna extincto Renem offendit istius feminæ perfimilem. Renem unum magnitudine duos æquantem refert Garcias Lopez Var. Lect. Medic. Cap. 8. Vidit etiam renem unum

Balduinus Ronsæus Epist. Medic. I. & notavit Duretus in Enarrationem Cap. 47. Lib. 1. Holler. de morb. intern. itemq; Carolus Stephanus lib. 2. Dissect. part. corp. Hum. Cap. 15. Dominicus Panarolus Pentecost. 1. Observ. 3. solum dextrum observavit Reinerus Solenander Consil. 16. Sect. 5.

XXXIII.

Ren succenturiatus, à Rene divisus.

An. 1630. 4. Martij Hieronymus Sabionus in cadavere hominis robusti renem succenturiatum à rene cum vena emulgente separatum demonstravit.

XXXIV.

Renis dextri succenturiati surculus peculiaris.

An. 1649. Januar. 21, qui annus Vellingio vitæ fuit extremus, feminae surculus è vena cava reni dextro succenturiato innectebatur.

XXXV. Re-

XXXV.

Renum ac vasorum generationis opificium singulare.

An. 1637. 22. Jan. Joannes Veslingius in cadavere feminino præter communem naturæ structuram publicè præsentabat Renem dextrum, cui adnatus erat ren alter exilis vasa spermatica ferme attingens, eiq; non minus quam reni ipsi emulgentis arteriæ ramus inhærebat, ac præterea ex vena porta ramus in vasa præparantia ferebatur. Vasa verò spermatica testes versus admodum erant densa & dura, pituitæ plena. Ideoq; huic mulieri in valetudinario D. Francisci denatæ menses ultra bimestre tempus fuere suppressi.

XXXVI.

Renum conformatio peculiaris.

An. 1650. 27. Jan. turba spectatorum confertissima sub Antonio Molinetto in muliere è valetudinario D.

B 4

Fran-

Francisci renes succenturiati parte sinistra fuere duplices, supra & infra: Sinistri ureteres gemini in communem desinebant ad vesicam: è fundo succenturiati inferioris ductus in testiculum ferebatur.

XXXVII.

Ren minimus.

Renem in quodam suspenso castaneæ vix æqualem Fabricius Bartoletus notavit.

XXXVIII.

Arteria Emulgens dextra gemina.

An. 1624. 5. Febr. Adriano Spigelio juvenulam tredecim annorum dissecanti gemina occurrit arteria emulgens dextra.

XXXIX.

Arteriæ Emulgentis rami quatuor.

An. 1638. 18. Jan. Joannes Vesslingius

gius in cadavere juvenculæ theatro
frequenti monstravit arteriæ emul-
gentis in parte sinistra quatuor ra-
mos, contra modum naturæ consue-
tum.

XL.

*Arteria mesenterica, & adiposa
dextri lateris.*

An. 1628. Febr. 3. Mantuæ Fa-
bricio Bartoleto obuenit præter e-
mulgentem arteriam communem in
dextro latere arteria Mesenterica,
& adiposa.

XLI.

Arteriæ adiposæ defectus.

An. 1649. 21. Januar. parte dextra
mulieri arteria adiposa defuit.

XLII.

Arteriæ spermaticæ deficientes.

An. 1640. 28. Jan. in muliere nu-
per

per enixa partum, nullæ fuerunt arteriæ, sed venæ admodum conspicuæ.

XLIII.

Vasa præparantia ampla.

An. 1647. Jan. 27. in muliere vasa præparantia enormi magnitudine reperta.

XLIV.

Vasa præparantia peculiaria.

An. 1650. Jan. 31. in cadavere viri vasa præparantia è vena emulgente utrinq; originem ducebant.

XLV.

Vasa item deferentia.

An. 1627. Calend. Febr. Vasa deferentia Viri occurrebant, quibus præter communem structuræ modum parte dextra binæ erant venæ; altera è vena cava, altera ex e mulgente procedebat.

XLVI. Epi-

XLVI.

Epididymides desideratæ.

An. 1647. Jan. 26. in cadavere è valetudinario epididymides fuere nullæ.

XLVII.

Cremasteres Mulierum.

An. 1623. Febr. 4. Adrianus Spiegelius in theatro anatomico monuit, bis in feminis à se observatos qui testes suspendunt musculos.

XLVIII.

Rami celiacæ arteriæ.

An. 1628. 31. Jan. Mantuæ offendit Fabricius Bartoletus in cadavere juvenis robusti arteriam, quæ à ramo cœliaco in ventriculum tendente ad sinistram jecoris partem excurrerat. Arteria quoq; cœliaca major singularem heic transmisit ramum in hepatis cavum, præter alium peculiarem.

XLIX. Hæ-

XLIX.

*Hæmorrhoidalis interna è ramo
splenico.*

In hoc etiam cadavere circa rectum intestinum è ramo splenico hæmorrhoidalis interna originem ducebat, quæ secus è Mesenterico prodit. Idem Anno 1647. Januar. 24. Patavij Joanne Veslingio Anatomico in virili cadavere observare licuit.

L.

*Novus Venæ gastroëpiploicæ
ductus.*

Anno 1650. 24. Januar. Antonio Molinetto in cadavere feminae è valetudinario D. Francisci extenuatæ occurrit vena gastroepiploica sinistra in ventriculi fundum immissa, quæ neutiquam more consveto cum dextra conjungebatur.

LI. Ar.

LI.

Arteria gastrica varicosa.

An. 1650. 26. Januar. Antonius Molinettus Arteriam gastricam in femina varicosam deprehendit.

LII.

Vesicae expers corpus.

Aldrighetto de Aldrighettis celebri Professore Medico præsente Petrus de Marchettis in cadavere nobilis Patavini nullam deprehendit vesicam; Sed ejus loco natura cavernulas quasdam seu alveolos constituerat.

LIII.

Lacunæ juxta pudendi Labia.

Binas juxta pudendi labia in mulieribus lacunas tradit Franciscus Plazzonus de Partibus Generationis Lib. 2. Cap. 6. Anno 1623. 18. Mart. studiosius mihi in eas inquirenti in
publi-

publica dissectione respondit eas in defunctis minus conspicuas: mox à concubitu in vivis tamen observatas, emanante salivali humore, qui maris pubem irrigat. Itaq; anni sequentis V. Martio in cadavere prægnantis rusticæ eas pervestigavit, ac immisso stilo exili perspicuè ostendit.

LIV.

Musculus pyramidalis deficiens.

An. 1649. 21. Jan. feminæ dextro-versum nullus erat musculus pyramidalis.

An. 1654. Jan. 17. Antonio Molinetto munus exercente viro musculus pyramidalis parte dextra unus; sinistra nullus.

LV.

Musculi pyramidales nulli.

Anno 1654. Febr. 22. Petro de Marchettis corporis virilis historiam declarante, Musculi pyramidales omninò defuere.

LVI. Ve-

LVI.

Vena Communis.

Anno 1647. 12. Febr. in cadavere muliebri peculiare venæ basilicæ rami communem venam prodixerunt.

LVII.

Manus musculo palmari destituta.

An. 1646. 31. Jan. in corpore femineo sinistrae manus musculus palmaris deerat.

LVIII.

Musculi Palmaris ortus rarior.

Anno 1656. Mense Febr. in bajulo Musculus palmaris tendine deficiente ex annulari ligamento initium ducebat.

LIX.

Pedis Musculi lumbricales bini.

Anno 1654. Jan. 24. Molinetto
ana-

anatomico in cadavere viri lumbricales pedis muscoli duo tantum sese obtulere, qui communiter sunt quatuor.

LX.

Musculus Pedi singularis.

An. 1649. 5. Febr. in cadavere feminae tendo peculiaris à minori digito in metatarsum productus obvenit.



